



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Canones Directivi Confraternitatis Sacerdotum Bonae
Voluntatis, Sub Invocatione Domini Nostri Jesu Christi in
Cruce morientis**

Dirckinck, Johann

Coloniae, Anno 1709

VD18 12518239

Canon VIII. De necessitate Scientiarum.

[urn:nbn:de:hbz:466:1-51869](#)

(194)

CANON VIII.

Omnes & singuli præsertim Curati,
studiosè conentur, non obiter scire;
sed comprehendere & penetrare ea, quæ
tam ad sui, quam aliorum directionem
& instructionem pertinent.

EXPOSITIO

In lege veteri Sacerdoti summo olim
mandavit Dominus, Exodi 28. Ut
in Rationali inter gemmas duodenas,
toti dem Tribus Israël exhibentes, *Urim*
& *Tummim* ad pectus circumferret.
Causa mandati hujus alia haud extitit,
nisi ut sui jugiter admoneretur officii,
oportere scilicet in pectore sacerdotali
fulgere *Urim*, id est illuminationem &
doctrinam; quâ populum in lege Do-
mini erudiens, velut columna nubis per
diem dirigeret: ac *Tummim*, id est, ve-
ritatem, integritatem & perfectionem;
quâ eundem velut columnâ ignis per-

no-

noëtem illustrans , ad imitationem sui succenderet.

Idem omnino , quod à Sacerdote Legis antiquæ postulavit Dominus ; à Sacerdote Legis novæ ad illustriora munia destinato. exigit Christus , & à quolibet Confraternitatis nostræ membro Canon octavus ; *Urim scilicet & Tummim*, doctrinam & veritatem ; illuminacionem & perfectionem in pectore gestandam ; quâ tum ad propriam directionem , tum ad instructionem alienam uantur. *Labia enim Sacerdotis custodiunt scientiam ; Et veritatem requirent ex ore ejus : Angelus enim Domini Exercituum est. Malachia 2.7.*

Exponemus proinde 1. Quænam in Sacerdote requiratur scientia. 2. Quæ ex ejus defectu detimenta. 3. Quæ ex ea emolumenta proficiscantur : ut his probè perpensis , in eam vel acquirendam , vel augendam vel conservandam sedulò incumbamus , atque ita Canonis præsentis intentionem feliciter assequamur.

C A P U T . I.

De Scientiis Sacerdotalibus.

*Labia Sacerdotis custodient scientiam
Mal. 2.7.*

Quemadmodum stomachus, ait Author Imperfecti apud S. Chrysostomum hom. 38. in Matth. cibum receptum custodit, & coquit; ita & Sacerdos haustam à Deo, è Scripturis Sacris, sermonis scientiam custodit; & ruminando, meditandoque excoquit, ut populo universo subministret. *Labia enim Sacerdotis custodient scientiam. Custodiunt* inquit S. Hieronymus, non intempestivè ac vanè protrudent; *custodient*, ut eam opportunè & congruè profrant, dando Conservis *Cibum in tempore suo*, ut monet Redemptor noster, Matth. 24. 45. Ita, ut os Sacerdotis, sit arca quædam salutaris, unde quisque sibi depromat necessaria, quæ ibi Deus ad communem cuiusque utilitatem & instructionem recondidit.

Ut

Ut verò ea in tempore de promi que-
ant, arca hæc multiplici scientiâ antè
erit instruenda: ante omnes autem sci-
entiam linguæ latinæ supponimus; cu-
jus ratio est, quod secundum Ecclesiæ
Leges idiomate isto omnia fere pera-
gantur sacerdotalia munia; Sacerdoti-
que dedecori haud exiguo sit, nobilissi-
mæ hujus linguæ defectus, aut igno-
rantia. Inter reliquas verò.

Prima est Scientia Divinarum Scri-
pturarum, quæ reliquarum scientiarum
sacrarum basis est; quamque Apostolus
commendat Timotheo Discipulo suo
2. Tim. 3. 15. dum scribit: *Memor esto*
quia ab infantia sacras literas nosti, quæ
Te possunt instruere ad salutem perfi-
dem, quæ est in Christo Iesu. In his sum-
mè splendet veritas & certitudo rerum,
à Deo tanquam suprema & infallibili
Veritate revelatarum, aut inspiratarum.
Ad quas intelligendas primò diligens
studium & Interpretum lectio require-
tur: *Scrutamini Scripturas* Ioan. 5. 39.
Deinde illustratio & inspiratio ejusdem
Domini, qui illas dictavit; *Inspiratio Om-*

nipotentis dat intelligentiam Iob. 32. 8.
Geminis illis hujus scientiæ mediis, si u-
tamur; Spiritus divinus intellectum dat,
sensum illum assequendi, quem sub ver-
borum cortice occultavit.

Altera [suppositâ sufficiente Philosophicâ scientiâ aliarum sublimiorum scientiarum clavi] Sacerdoti perquam necessaria est scientia THEOLOGICA, quam Scholasticam vocant, de Deo, de SS. Trinitate, Incarnatione, Fide, Spe, Charitate, Gratia, Justitia, Sacramentis; aliisque tractans & ex principiis revelatis, adhibito rationis discursu, conclusiones ad fidei mysteria ac morum instructionem spectantes inferens. Sine quâ nec Theologus moralis, nec Polemicus, nec Canonicus, nec Ecclesiastes, nec Asceta, solidè, perfectè, ac cum fundamento sciet procedere. Hanc Doctor Angelicus naturalibus aliis scientiis & speculativis & practicis certitudine ac materiæ dignitate decet præcellere. p. i. q. i. a. 5. Hac scientiâ, ait S. Augustinus l. 14. de Trinit. c. 1. *Fides saluberrima gignitur, nutritur, defenditur, robora-*
tur.

mr. Gignitur in multis Infidelibus, nutritur in Fidelibus, defenditur ab Hæreticis, atque ita roboratur; ut omnes ei, tanquam Veritatis columnæ firmiter innitantur.

Tertia est scientia **POLEMICA**; & mysteriorum Fidei, dogmatumque Religionis Christianæ defensiva & offensiva contra quoscunque notitia, cuius beneficio Sacerdos veritates catholicas ab erroribus damnatis discernat easdemq; rudi populo explicare valeat; cuius ope è Verbi divini Codicibus, SS. Patrum voluminibus, Doctorumque Polemico-rum monumentis testimonia & argumentorum tela depromat; quibus armatus, Fidem strenuè propugnare, & hæreses fortiter retundere audeat. Quo & Orthodoxi curæ ejus pastorali commissi in fide verâ stabiliantur; Heterodoxi verò, quos fortè in parœciâ repere rit, à Lutheri, Calvinîve harâ, ad Ecclesiæ sanctæ ovile reducantur.

Quarta, Quam *Labia Sacerdotis* custodient est scientia JURIS Canonici, & Legum, obligationumque sibi ab Eccle-

fiâ impositarum ; ut eisdem integrè satisfacere , omnésque ministerii sui partes ad amissim explere noverit , indignum enim illum Sacerdotali statu censet Concilium Nicenum , qui scientia ad satisfaciendum oneri & obligationi suæ destituitur . cap. omnes. dist. 38. Et , Ni-
si cùm pridem , de renunt. &c. Hæc au-
tem scientia illum docebit , horas cano-
nicas piè & exactè sive cantando , sive re-
citando persolvere , Pro Fundatoribus
aut Benefactoribus debita Missæ sacri-
ficia offerre : census Ecclesiasticos suspen-
tationi honestæ superfluos , non vanita-
tibus ; sed piis causis impendere : habitum
decentem , pullum , & talarem , nec non
tonsuram clericalem deferre : sexūs se-
quioris contubernia & consortia scan-
dalosa aut periculosa devitare ; oves sibi
creditas verbo & exemplo pascere ; alia-
que hujusmodi quàm plurima ad offi-
cium pastorale spectantia exactè obser-
vare ; quemadmodum SS. Concilii Tri-
dentini decreta sanctionésque synoda-
les enucleatè præscribunt.

Quinta eaque utilissima Sacerdoti
scien-

scientia est Theologia moralis, & functionum sacerdotalium adeò multiplicium peritia. Has inter primum sibi locum vendicat divinissimi Missæ Sacrificii accurata celebratio, & sacrosancti Eucharistiae Sacramenti administratio, cuius materiam, formam, intentionem, attentionem, applicationem, ritus observandos, defectus cavendos, commissosque reparandos præter alia complura, eum scire omnino necesse est. Alterum locum postulat, Baptismi, Matrimonii, Unctionis supremæ, atque potissimum Sacramenti pœnitentiæ administratio; ut sacram illud lavacrum, tum ad proprias, tum ad alienas peccatorum maculas eluendas rite usurpare noverit. Scire proinde ipsum convenit, delictorum gravium & levium; circumstantiarum aggravantium, & speciem mutantium; impedimentorum Matrimonii dirimentium, & solùm impedientium differentiam; famæ & bonorum restitutionem concernentia, aliisque propè innumera, quæ Theologim Morales prolixè pertractant,

Sexta est Scientia Sanctorum, scientia
spiritus, seu Ascetica ; qua Sacerdos &
seipsum in via sanctitatis dirigat, & pro-
ximum sibi commissum ad apicem per-
fectionis Christianæ ducat. Existima-
re enim debet sibi à Deo idem quod Je-
remiae Prophetæ, mandatum esse: *Ecce
constitui te hodie, super gentes regna,
ut evellas & destruas & disperdas, & dis-
sipes ; & ædifices & plantes.* Constituite
dum Sacerdotio initiavi, dum curam a-
nimarum commisi, *Ut evellas radicitus
vitia, scelera & peccata. Et destruas pas-
siones inordinatas, quæ penitus evelli
nequeunt; sed destrui, quemadmodum
herbas noxias conculcando destruimus:*
scilicet amorem, odium, desiderium, fu-
gam, gaudium, tristitiam in appetitu
concupiscente radicatas; tum etiam in-
ordinata insipem, desperationem, auda-
ciam, timorem, iram in appetitu iras-
cente nidulantes. *Et disperdas* pravos
habitus & consuetudines ex frequenta-
tis actibus malis progenitas. *Et dissipes*
tentationes pericolosas, sive à naturali
complexione, sive à pravis habitibus, sive

ab

ab indomitis passionibus, sive à diabolis insultibus promanantes. *Et aedifices* Domum sapientiae, aut turrim perfectionis Evangelicæ. *Et plantes* in horto animæ tam propriæ, quam alienæ præstantissimos virtutum flores, fidem vivam, spem firmam, charitatem ardentem, animi demissionem profundam, patientiam invictam, conformitatem cum voluntate divina perfectam, prudentiam, justitiam, fortitudinem, temperantiam, reliquaque virtutum germina, quibus te plantante & rigante, Deo autem incrementum dante, & tua & proximi anima mirificè exornetur; atque in amœnissimum Sponsi cœlestis paradisum convertatur.

Septima denique est *Scientia Oratoria*, Rhetorica cœlestis, Eloquentia sacra; seu ars annuntiandi cum fructu Domini nostri Jesu Christi Evangelium: quam Sancti, Petrus, Paulus, Augustinus, Ambrosius, Gregorius, Chrysostomus, Fulgentius, Bernardinus, Vincentius, aliaque Oratorum sacrorum lumina, summa cum laude effulserunt. Nolumus

mus tamen Vos DD. Confratres, in exhortando populo, tumida quadam uti vaniloquentia, & juvenum Oratorum more, immaturos ingenii fucos vendere: hæc enim tanquam Verbi divini de honestamenta omnino sunt rejicienda. Nolumus quoque vos affectata verborum elegantia, acuminum subtilitate, inventionum & conceptuum sublimitate, rerum curiosarum & rararum copiosa farragine Auditorem mulcere, & delectare potius, quam, qui dictionis sacræ finis est, persuadere & permovere dictione. Ista enim qui faciat, lingua propè sacrilegâ, eloquia Domini casta adulterat, atque hoc ipso judicii sui tenuitatem, æterna æstimare nescientis, & Verbi Divini vim ac potentiam admirandam ignorantis, aperte demonstrat.

Nolumus tamen etiam vos, absque studio & præparatione debita, quidquid è proximo Libro primum occurrerit, crudum, ac male coctum indigestumq; coram populo deblaterare; aut quidquid fortè in buccam venerit, temerè protrudere; atque inaniter garriendo
fine

sine lege & ordine, horæ spatiū ex-
plere: ex hujusmodi enim concionibus,
nullus fructus, nulla *compunctio*, nulla
vitæ emendatio, nulla morum mutatio
facilè reportatur; sed post centenas, &
millenas etiam dictiones, eadem in po-
pulo vitia, eadem peccata, eadem frigi-
ditas, eadem dissolutio cernitur. Causa
in promptu est: quia inania solùm ver-
ba funduntur, & insani clamores spiritu
divinæ charitatis haud animati excitan-
tur, qui instar bombardæ sine globo,
sonitum solùm edunt; at neminem fe-
riunt.

Verùm unicè optamus, vos maximâ
quâ potestis, diligentî ac studio ad di-
ctionem parandam, componendam,
describendamque incumbere. Deside-
ramus vehementer vos Auditorum ca-
pacitati apta, bene digesta, & clara, ver-
bi divini autoritate irrefragabili robo-
rata, Sanctorum Patrum expositione
declarata, rationibus solidis & æternis
stabilita, similitudinibus, contrariis, Pa-
rabolis, atque exemplis probatis eluci-
data proferre. Flagitamus quoque unicè

I 7 ut

ut ea quæ dicturi estis , non sint solùm
studiosè quæsita sed & diu , multumque
meditata ac ruminata , precibus etiam
ardentissimis , & prævijs operibus pœ-
nōsis quodammodo inflammata. Cū-
que hac ratione partes vestras expleveri-
tis , gratia divina haudquaquam deerit ;
sed opem feret , ut obdurata Auditorum
corda veritatibus æternis percellere , ad
dignos pœnitentiæ fructus inflectere , è
vitiorum & peccatorum sordibus extra-
here , ad virtutum , operūque bono-
rum exercitia efficaciter permovere va-
leatis ; Atque ita fiet ut è concionibus
vestris peccatores revertantur percuti-
entes pectora sua , ac in alios viros com-
mutati mores distortos penitus corri-
gant.

Ex recensitis antè multiplicibus , ar-
duisque scientiis , nullo negotio videtis ,
Reverendissimi , Admodum Reverendi
Domini , quantum studium , labor , indu-
stria & conatus requiratur , ut eas non
obiter comparetis ; sed omnino compre-
hendatis & penetretis . Studete igitur , &
omnem industriam impendite : sed ro-
tum

tum studium vestrum, geminas comites
semper habeat, virtutem scilicet studio-
sitas & puram sinceramque intentio-
nem: illa studiur ita dirigat, ut curiosi-
tatem quæ rebus inutilibus & statui suo
non convenientibus vacare gestit, re-
frœnet; & simul negligentiam, quæ est
voluntaria omissione descendit ea, quæ scire
tenemur, exstimate; Hæc vero efficiat,
ut ad unius Numinis Supremi majorem
gloriam, salutemque animarum perpe-
tuam studia omnia referantur. Id quod
præclarè Doctor mellifluus moneret,
serm. 36. in cant. *Observa* inquit, *Quid*
scire magis priusve oporteat, tempus enim
breve est. Ea igitur prius scire ampliusq;
curato, quæ senseris viciniora saluti; de-
inde quo fine. Sunt namque qui scire vo-
lunt eotantum fine, ut sciант; Et turpis
curiositas est. Et sunt qui scire volunt, ut
sciантur ipsis; Et turpis vanitas est. Et sunt
qui scire volunt, ut scientiam suam ven-
dant; Et turpis questus est. Et sunt quoq;
qui scire volunt, ut edificant; Et charitas
est. Et item scire volunt, ut edificantur,
Et prudentia est. Ista cavete, hæc secta-

mini,

mini , & studiis vestris magno merito, ac
fructu non pœnitendo vacabitis. Dein-
de studete [ut docet Suarez tom. 4. de
relig. ex S. Augustino de gratia & lib.
arbit. c. 1.] sed animus non ita studiis
absorbeatur , ut ad Deum quandoque
non recurrat ; nunc intentionem reno-
vando , nunc petendo auxilium , nunc
pro veritatis intelligentia gratias refe-
rendo. Studete denique sed studium ve-
strum ut consecratus Deo personas de-
cet , totum sit sacrum divinum & cum
charitate divina conjunctum nam scien-
tia inflat , charitas vero adificat. 1. Cor.
8. 1. Sit divinum , ita ut Deus semper
præsens sit ante studium, in studio, post
studium : ante studium illud ad Dei glo-
riam & amorem dirigendo , in studio
speculationibus affectus pios immiscen-
do ; post studium instar lapidis alicubi
detenti sublato impedimento , ad cen-
trum Deum O. M. relabendo. Hæc est
Scientia sacra , sapientia divina , hanc se-
temur in terris, ut nobiscum perseveret
in cœlis.

PARS

C A P U T I I.

De damnis Ignorantiæ Sacerdotum.

*Et legem ex ore ejus requirent. Malach.
l.c.*

EN causam , à Deo per Prophetam indicatam , ob quam *Labia Sacerdotis custodient scientiam Legis , fidei , religionis , vitæ & morum : quia videlicet animæ ipsi commissæ , jure suo hanc , quâ ipsæ carent , scientiam , veritatem , perfectionem ex ore ejus requirent : Et legem requirent ex ore ejus : Sacerdotis enim est Legem cognoscere , atque alios edocere , secundum illud Ecclesiastici de Aarone cap. 41. 21. Et dedit illi in preceptis suis potestatem docere Jacob testimonia [id est Leges : hæ enim sunt voluntatis divinæ testimonia ; quid nimirum à nobis fieri , vel non fieri desideret Deus] Et in lege sua lucem dare Israël , id est , legem Dei proponendo explicando , inculcando , dubia dissolvendo ,*

po-

populum Israeliticum illustrare. O magna Sacerdotis dignitas ! ô officii sublimitas ! ô cœlestis Doctrinæ necessitas ! Quod si verò ipse met legem ignoraverit, quæ malorum ilias inde pro pullulabit ?

Etenim si Regna & Provinciæ Barbarorum, Mahometanorum, Ethnicorum aut Infidelium sine lege Christiana viventium , aut animæ nonnullæ ex locis istis in has ora translatæ ad orthodoxæ Ecclesiæ gremium redire voluerint ; à quibus legem Christi requirent ? à quibus Evangelii legem haurient, nisi ab iis, quibus dictum est : *Euntes in mundum universum, prædicate Evangelium omni creature : qui crediderit & baptizatus fuerit salvus erit ; qui verò non crediderit, condemnabitur.* Matth. 16. 15.

Si Hæreses in populo enatæ fuerint, cariūmque veneno animæ innumeræ tanquam epidemicâ lue passim afflentur ; quis medelam efficacem adhibebit ? Quis Legem fidei Rom. 3. 27. Quis legem veritatis errantibus proponet ? nisi Sacerdos, de quo Malachias c. 2. 6. *Lex veritatis in ore ejus ; & hanc animæ se- ductæ*

ductæ *Legem ex ore ejus requirent* ;
 quam si ignoraverit , quot animæ orci
 perpetuis addicentur incendiis ?

Si populi Christiani rudes , viam Do-
 mini ignorantes , de quibus illud Jere-
 miæ jure pronuntiâris : *Tenentes legem*
nescierunt c. 2. 8. docendi & erudiendi
in lege Domini fuerint; quis legem salu-
tis, Legem mandatorum Ephes. 2. 15.
illis proponet? nisi illi, quibus dictum à
Domino: Docentes eos servare omnia,
quæcunque mandavi vobis? Matth. 28.
19. Ex quorum ignorantia, quot animæ
ruent in interitum?

Si plebs, si oves commissæ derelique-
 rint legem Domini , & in lege ejus am-
 bulare noluerint , quis improperabit
 illis peccata legis ? *Quis legis libros co-*
ram eis expandet & explanabit Legem
Justitiae? Sap. 6. 5. Ut custodiant eam
semper, nisi Sacerdos Altissimi? cui in-
cumbit illud Isaïæ: Clama, ne cesses, qua-
sit tuba exalta vocem tuam, & annuntia
populo meo sceleræ eorum. c. 58. Et si is
ex ignorantia, aut ignavia clamare ces-
saverit; quot animæ in peccatorum suo-
rum cœno computrescent? Si

Si animæ selectæ, vitæ sublimioris ac perfectionis avidæ servire Deo in sanctitate & justitia coram ipso omnibus diebus suis exoptârint : quis illis legem sanctitatis *Legem Libertatis perfectam*: Jacob 2.5. explanabit ? quis virtutis ac perfectionis regulas tradet , nisi Sacerdos Domini , qui & ipse sit vitæ sanctoris amator , & in lege ejus meditetur die ac nocte , eamque in medio cordis sui reposuerit ? Qui sufficiente spiritu scientiâ instructus , cum Apostolo loquatur *Sapientiam inter perfectos* ; non in doctis humanæ sapientia verbis , sed in doctrina spiritus , spiritualibus spiritualia comparando ? I. Cor. 2. Quæ animalis homo non percipit , stultitia enim est illi , & non potest intelligere. I. c. Et si Sacerdos ipse horum ignarus & animalis fuerit , quot unà cum ipso in insipientiæ nebris palpabunt ?

Si dubia & ambigua in lege , ejusque observatione , aut exemptione exorta fuerint ; quis in his lumen perplexis affundet , nisi Sacerdos , cui Deus potestatem dedit ; In lege sua lucem dare Israël ? Eccli.

Eccli. 41. 21. Interroga Sacerdotes legem. Aggæi. c. 2. 12. Si difficile & ambiguum, ait Dominus, apud te judicium esse perspexeris, inter sanguinem & sanguinem inter causam & causam inter lepram & lepram, venies ad Sacerdotes, quæresque ab eis, & indicabunt tibi iudicii veritatem; & facies quodcunque dicterint, qui præsunt, & docuerint te, juxta legem ejus: qui autem superbicerit, nolens obedire Sacerdotis imperio, moriatur homo ille. Deuter. 17. 8. Si hæc in veteri, quid in lege novâ, in quâ longè difficiliora Sacerdoti incumbunt iudicia; inter lepram & lepram, non corporis, sed animæ; inter sanguinem & sanguinem id est inter homicidium & homicidium, inter causam & causam, justam vel injustam, aliaque propè innumera: cùm illis à Christo Domino dictum sit: *Amen dico vobis, quæcumque alligaveritis super terram, crunt ligata & in cœlo, & quæcumque solveritis super terram, erunt soluta & in cœlo.* Matth. 18. 18. Quæ si quis Sacerdotum ignorârit, quomodo rectum iudicium iudicabit?

cabit? Quot miseros in sanguine & leprâ peccatorum relinquet? Quot animas cœlo alias inferendas in damnationis æternæ barathrum ruere præcipites suâ inscitiâ permittet?

Verùm, ut damna è Sacerdotum ruditate promanantia clariùs perspiciamus; demus quempiam è laudatissimo Sodalitio nostro, quod tamen absit, eorum, quæ ad ministerium suum pertinent, inscitiâ laborantem reperiri.

1. An non ejusmodi ignorantia ipsum petit Episcopum, à quo sive ex inadvertentia & negligentia, sive ex nimia indulgentia Ordinibus sacris initiatus est? An non eum omnium delictorum ex ignorantia ista ortorum participem efficit? Atque ita eum, quem ut animæ suæ parentem amore & veneratione prosequi oportebat, in idem secum perditionis æternæ præcipitium devolvit?

2. Quantum dedecus hujusmodi ignorantia Ecclesiæ; quantam ignominiam ipsimet Ordini Sacerdotali affricat; dum ansam præbet, ut ministerium sacrum vituperetur; religio sancta contemptui

temptui habeatur ; & divinissima Sacra-
menta crebrius deridiculo exponantur.

3. Quis exprimat, quæ damna indo-
ctus Parochus populo Christiano accer-
sat ? Unde enim errores, hæreses , super-
stitiones, vanæ observationes , tanquam
pestes cultûs divini sinceritatem infici-
entes profluxere ? Unde corrupti Laico-
rum mores , unde injustitiæ, adulteria ,
sacrilegia , aliisque sexcenta flagitia pro-
manavere ? Nonne ex hac scaturigine ,
quod nec ritè doceantur , nec paternè
moneantur , nec cordatè arguantur ; &
pro pane lapidem , pro pisce serpentem
ab ignaris & authoritate carentibus Pa-
storibus accipiant ? si ignorans ignoran-
ti , sicœcus cœco ducatum præstet , nonne
ambo in foveam cadunt ? Matth. 15.

4. Denique cui inscitia istiusmodi
gravius detrimentum parit , quam ipsi-
met Sacerdoti ? Etenim , *Vir peritus ani-
ma sua suavis est.* Eccli. 37. 22. At impe-
ritus sibi semper infestus , nullam animi
quietem, nullam conscientiæ pacem ex-
peritur , in omnibus propè actibus suis
dubius fluctuat , illic sæpen numero tre-
pidans

pidans timore ubi non est timor. At vir sapiens hereditabit in populo honorem Eccli. 37. 27. Quem verò honorem, quam authoritatem vir illiteratus habebit apud subditos? quot in functionibus sacris defectus committit? quot iudiciis erroneis & consiliis inauspicatis incautos decipit? quot sacrilegiis se nescius implicat? à quibus tamen inficiâ suâ nullatenus excusatur? De quo jure Deus per Prophetam questus est: Speculatores ejus cœci omnes, nescierunt universi, canes muti non valentes latrare, dormientes & amantes somnia: ipsi Pastores ignoraverunt intelligentiam (inde vitia, inde scelera) omnes in viam suam declinaverunt, unusquisque ad avaritiam suam, à summo usque ad novissimum. Venite, sumamus vinum & impleamur ebrietate; & erit sicut hodie, sic & cras & multò amplius. Isaiae 56. n. 10. 11. 12.

Reverendissimi, Admodum Reverendi Domini, Quis igitur dannis adeo e normibus bene perpensis, si scientiæ necessariæ defectum in se deprehenderit, ausit deinceps studia negligere, libros ab-

abjicere, Instructores refugere ; & vel
otio pernitoso se dedere , vel reculis
impertinentibus nobilissimum tempus
inutiliter terere? Quis ausit, contra con-
scientiæ stimulum tantæ Ecclesiæ , pro-
ximo & sibi ipsi detrimenta accertere?
Enim verò verissimè S. Chrysostomus
Epist. 2. ad Olymp. *Unum è maximis*
Ecclesia infortuniis esse afferit; Si pro Pa-
store Lupum, Prædonem pro Gubernato-
re , Carnificem pro medico accipiat.
Horret quidem hæc aut animus cogita-
re aut calamus referre ; at ipsimet senti-
tentiam pronunciate : An non talis est
Sacerdos signarus ; qui cum nec pascere,
nec dirigere, nec sanare noverit; *Tantis*
obest, quantis præest, ut loquitur S. Ber-
nardus Epist. 137: cùm enim damna,
quæ animæ corpori ac bonis infert, non
terrena & temporalia , sed cœlestia &
æterna sint: quis eum omni lupo, Præ-
done, Carnifice deteriorem esse inficiat
jerit?

K C A.

C A P U T III.

De officiis & emolumentis docti Sacerdotis.

Angelus enim Domini Exercituum est.
Malach. l. c.

Magna Deus, hisce Malachiæ verbis, officia & emolumenta ab intelligenti Sacerdote referenda, insinuat: Si enim *Angelus Domini* est, & *Angelus nuntium* sonat: Sacerdos Nuntius est, seu ut vertit Tigurina, *Legatus est Domini Exercituum*. Quanta dignitas! Legatus est, inquam, tam populi ad Deum, quam Dei ad Populum; velut utriusque internuntius, mediator & sequenter deferens mandata Dei ad Populum, ac populi preces & vota ad Deum. Quemadmodum autem D. Chrysostomo teste hom. 2. in ep. ad Rom. Legatus non aliud, nisi Principis se Legantis voluntatem annuntiat; eique nihil addere, nihil demere valet; ita & Sacerdos studio

dio diligēti Libros divinos & sanctos
scrutatur, ut voluntatem Dei probē co-
gnitam, populo fideliter proponat: Et
tanquam Angelus inter homines, tan-
quam Magister inter Pueros, tanquam
Pastor inter animalia versetur; præcipue
verò terna hæc munia, Angelorum mo-
re, inter eos exerceat, quæ S. Dionysius
Areopagita de cœlesti Hierarchia enu-
merat: scilicet *Purgare, illuminare, per-*
ficere.

1. Officium, emolumenntum, & fru-
ctus primus Sacerdotis intelligentis est,
animas sibi commissas à peccatorum
sordibus *Expurgare*; singulisque pecca-
torum morbis alexipharmacæ opportu-
na præscribere. Quod ut felicius asse-
quatur; cogitet se à Deo mitti tanquam
Medicum ad sanandum languidos, pa-
ralyticos, cœcos, claudos, aridos, &
oppressos à Diabolo; imò cogitet totum
sibi creditum oppidum, pagum, parœ-
ciam, amplum quoddam esse Nosoco-
mium seu valetudinarium; plurimis æ-
gris non uno, sed maximè variis, peri-
culosisque morbis refertum. O quanta

hīc opus est vel excellentissimi Archia-
tri scientiā & experientiā! Videas enim
hos inter nonnullos, qui sanitati pristi-
næ restitui velint ac possint; alios repe-
tias morborum spiritualium numero &
incursu adeò debiles & fractos , ut vix
manu contingi sustineant : alios cernas
à Medico ac medela ita aversos, ut licet
sanari queant, penitus tamen renuant:
alios denique offendas, tanquam phre-
neticos; qui nec se infirmos esse sentiant,
nec incolunitati reddi cupiant.

Vides opinor, ô Pastor! ô Medice
animarum ! quantæ molis & periculi
negotium tibi incumbat: Quis vel Hy-
pocrates vel Galenus spiritualis hīc non
paveat? Quanta hīc requiritur scientia,
ut morbos tam apertos quam latentes
dignoscas? Quanta charitas & notitia,
ut omnibus omnia fias, & volentibus,no-
lentibus pharmacum conveniens præ-
scribas? Quanta experientia, & virtus ;
ut dum contagiosos curas , ipse nullo
contagio te inficias? Quanta se animan-
di & confortandi praxis , ut animum
non despondeas, officium curandi sul-
ceptum

ceptum non deseras , nec de ullo unquam licet perditissimo speni abjicias ; sed in Deum, cuius Ministrum & instrumentum agis, fiduciam inconcusam reponas ?

Legatur si placet S. Chrysostomus L. 2. & 3. de Sacerdotio & S. Gregorius 3. p. Pastoralis. qui in hoc argumento sunt toti.

2. Alterum officium , emolumenitum & fructus Eruditii zelosique Pastoris est ; oves curae suae traditas illuminare ; ignorantiae nebulas discutere ; in tenebris & umbrâ mortis sedentes , scientiae & virtutis splendore collustrare.

Circumspicite , obsecro , DD. Confratres , mundum propè universum , Asiam , Africam , Americam , & ipsam met Europam ; & nisi ipso cœcutiveritis , eum cœcitate percussum , & horrendis ex ea ortis sceleribus obrutum conspiciatis. *Totus mundus in maligno positus est* , scribit S. Joannes 1. ep. e. §. 19. Quam verò malignitatis hujus radicem esse existimabimus ? clarissime eam indicat Oseas Propheta cap. 4. 1. dum ait :

Non est scientia Dei in terra. Sed quid
inde? inde cœcitas , inde omnium sce-
lerum colluvies; mox enim subdit: *Non*
est veritas , non est misericordia: sed ma-
ledictum & mendacium, & homicidium
& furtum & adulterium inundaverunt,
& sanguis sanguinem tetigit. Id est cx-
des cædi , turpitudo turpitudini, pecca-
tum peccato accumulatur. Omnium
verò horum origo est, quia *non est scien-*
tia Dei in terra : scilicet scientia practi-
ca , cum Dei timore , amore , cultu &
obedientia conjuncta ; quā mortales
Dei Numen, Bonitatem, Providentiam,
Justitiam , vindictam cognoscant , æsti-
ment , & venerentur. Ecce quantus hīc
campus , quantus fructus colligi potest!
quanta messis ! Utinam operarii forent
non pauci!

Quod si ad particularia descendere
lubet ; lustrate in circuitu universos , &
inspicite non obiter singulos , summos
& infimos , nobiles & ignobiles, doctos
& indoctos, Viros & Fœminas, Juvenes
& Virgines , & quām exigua sit scientia
Dei in terra , luce meridianâ clariūs per-
spicietis.

spicietis. Quām enim ex omnibus hisce pauci sunt, qui Deum practicē cognoscant; id est, qui ejus Majestatem & Providentiam, ejus Potentiam, Sapientiam & Bonitatem bene apprehendant, atque ut par est, æstiment, timeant, colant, amant, & revereantur? Quām pauci sunt, qui ejus justitiam impios æternis ignibus plectentem; pios gloriā æternā præmiantem probè intelligent, ei unicē placere studeant, virtutibus serio vacent; vitiis constanter abstineant? Quanta proinde à vobis hinc colligi possunt merita! quanta fabricari gloriæ corona, si officio vestro strenuè fungamini?

Reverendissimi, Admodum Reverendi Domini: ô si Angelorum instar, has mortalium tenebras dissipare, veræque Dei scientiæ radiis, si non omnes, saltem nobis commissos perfundere possemus! O si hac practicâ Dei cognitione illuminare liceret mundi Reges, Principes, Magnates, Duces Proceres! quām longè aliter vitam suam instituerent; quām longè melius populos iubjectos, provinciasque gubernarent? O

si hac practicā Dei notitiā imbuere fas
esset tot illustres animas, tot Comites,
Barones, Nobiles; profectò eorum vi-
vendiratio, non in politicis, politisque
cæremoniis, aut phaleratis verborum
lenociniis consisteret; nec tam notabili
veræ devotionis, pietatis, & rerum æter-
narum æstimationis defectu laboraret!
O si hac practicā Dei scientiā in Viris
amplissimis, Consultissimis, Clarissimis
magis vigeret; quanto ferventius, justi-
tiam, cuius Sacerdotes audiunt, cole-
rent! atque ex Bartolo & Baldo in spe-
ciem textus allegare refugerent! O si
hoc lumen practicum, fortius Mercato-
rum, Civium, Militum, & colonorum
oculos perstringeret, quam longè aliam
vivendi methodum inirent! quam longè
abeis furta, mendacia, doli, fraudes,
luxuria, invidia, acedia, aliaque scelera
exularent, non sine maximo animarum
innumerarum lucro & emolumento!

3. Tertium officium, emolumen-
tum & fructus Sacerdotis scientiā virtu-
téque insignis est; animas perfectionis
desiderio succensas perficere, & ad per-
fectionis

fectionis culmen perducere. Utinam
Domini Confratres nobilissima hæc sci-
entia, & sapientia cœlestis in cordibus
nostris resplenderet; quâ & nos ipsos, &
nobis concreditos ad veram perfectio-
nem elevaremus! Et sanè id postulat of-
ficii nostri ratio; id æterna Veritas à no-
bis requirit: Omnibus enim nobis in-
culcatum est sanctimoniaz Christianæ
studium; omnibus dictum est: *Estote
perfecti, sicut Pater vester cœlestis per-
fectus est.* Matth. 5. Omnibus dictum
est: *Diligite Dominum Deum tuum ex
toto corde tuo,* Matth. 22. Omnibus di-
ctum est: Oportet semper orare, omnibus
renuntiare, animam suam redire, injuri-
as patienter ferre, dignos pœnitentia fru-
ctus facere, per angustam portam intra-
re; in omni conversatione sanctos esse.
Hæc oportet nos facere & docere: &
qui fecerit & docuerit, magnus vocabi-
tur in regno cœlorum. Matth. 5. 19.

Hæc evangelica perfectio, vera est
Sapientia, sed mundi asseclis ignota,
imò stultitia est; & tamen magnum Dei
donum est. Hæc est drachma illa Evan-

K 5 gelica,

gelica, à paucis cognita, à paucioribus
quæsita, à paucissimis reperta, & tamen
beatitudinis æternæ pretium est. Lucæ
15. Hæc est margarita illa pretiosa, quam
qui invenit & cognoscit, ita æstimat &
amat; ut venditis omnibus eam compa-
ret. Matth. 13. Hic est thesaurus ille
absconditus, ab oculis innumerorum
mortaliū; utinam non etiam quorun-
dam Sacerdotum; & tamen omnibus
mundi opibus infinitè præstantior: Et ut
paucis multa complectar, hæc perfectio
est arrha salutis & pignus regni cœlestis,
Est amicitia, cognatio, unio animæ cum
Deo & beatitudo, quæ in terris haberi
potest ineffabiles homini divitias, deli-
cijsque accumulans.

Reverendissimi Admodum Reve-
rendi Domini; Si hanc perfectionem
Dominus Christus desiderat ab omni-
bus, quantò magis à Sacerdotibus &
Pastoribus ministris suis personam suam
fustinentibus; ut & ipsi hæc scientiâ san-
ctorum & sapientiâ cœlesti splendeant,
& sibi commissos eadem illuminent?
Quâ verò ratione alios illuminabunt,
qui

qui ipsimet luce scientiæ carent ? quomodo margaritam pretiosam , thesaurum absconditum , aliis patefacient , quem ipsi ignorant ? quomodo hujus cum Deo unionis pretium & æstimationem aliis inculcabunt , qui eam ipsi nec æstimant , nec obtainere satagunt . Unde verò lucem & æstimationem ejus obtinebimus ? 1. Ex oratione . *Invocavi & venit in me Spiritus Sapientiæ.* Sap. 76. - 2. Ex meditatione . *In meditatione mea ex ardebet ignis.* psal. 38. 3. - 3. Ex lectiōne : *Declaratio sermonum tuorum illuminat.* psal. 118. 130. - 4. Denique ex studio diligenti : *Vacate & videte.* psal. 54. 11. Vacemus igitur studiis & videamus , ut cognoscamus , & cognita æstimemus , æstimatique cum maximo spirituali lucro aliis communicemus .

DIGRESSIO

Ad Sacerdotes curam pastoralem non habentes .

VIdeor mihi hīc audire Sacerdotem quempiam ista mihi oggerentem :

K 6 Equi-

Equidem non eâ mente characterem
Sacerdotalem suscepi, ut animarum cu-
ræ & Sacramentorum administrationi
me implicarem: sufficit mihi, statis die-
bus ad aram facere; & psalmos Davidi-
cos cum aliis in Choro decantare; de ca-
tero in pace & quiete Deo servire cupio,
ac bibliothecas, sublimiores scientias
& Doctorales laureas, libens aliis relin-
quo. Ita ille. Audio. Itane verò? An non
cogitas, ô Sacerdos Domini! Te Cleri-
cum, Ecclesiasticum & quidem sacerdo-
tio initiatum esse? adeoque & te esse An-
gelum Domini Exercituum, Dei mini-
strum, Nuntium & Legatum! Sancta
simplicitas & rusticitas, ut loquitur D.
Hieronymus, sibi solùm prodest: at, an
hoc Ministro Christi sufficit?

Minister Christi es, ô Sacerdos! sic
enim Malachia verba Interpres Chal-
dæus vertit: *Minister est coram Domino*
Exercitum, quomodo autem debitè
ministrabis coram Domino, si ea quæ ad
ministerium tuum pertinent, aut omni-
no non, aut non exactè callueris?

Mi-

Minister Christi es , ejusque vices gerens in celebrando & offerendo divinis- simo sacrificio : quomodo verò illud ut par est , offeres ; nisi materiam , formam , attentionem , intentionem , applicatio- nem , aliisque supradicta , studio dili- genti intelligere laboraris .

Minister Christi es , & vice populi , ad laudes Domino decantandas destinatus instar Angeli [Angelorum enī est laudare Deum , ut ait S. Basilius] ut velut illi in cœlo , sic & tu in choro , concinas : *Sanctus , Sanctus , Sanctus , Dominus Deus Sabaoth.* Quomodo autem sapienter & intelligenter psalles , si psalmos nec intellexeris , nec abdita mysteria eo- rum noveris ? Quomodo verò intelli- ges , Si Augustinum , Bellarminum ali- osque Interpretes non studiose evolve- ris ?

Minister Christi es , Angelus es , ma- jorem Angelis à Deo potestatem ade- tus : quantā igitur virtute , quantā cha- ritate , & perfectione te conspicuum esse convenit ? Unde verò illarum notitiam hauries , si libros asceticos de virtutibus

& perfectione tractantes non perleg-
ris ? adeoque nec virtutes , nec earum
actus , nec objecta nec motiva nec dis-
crimen à vitiis , dignoscere didiceris ?

Minister Christi es ; Deique Legatus;
nullane à liberalissimo Numine talenta
consecutus es , quibus legatione fun-
garis , animásque lucreris , vel cateche-
fin tradendo , vel verbum Dei prædican-
do , vel domi privatim instruendo , vel
ad bonum cohortando , vel à malo ab-
strahendo , vel cum aliis utiliter con-
versando ? Itáne gratias & facultates in
Ordinis sacri susceptione collatas negli-
gere , licitum arbitrabere ? Et siquidem
vel unicum talentum obtinueris , qui fe-
res in die Iudicii confusione in illam
quando mnam tuam in sudario reposi-
tam , odiosamque proferens , à supremo
Iudice audies : *Serve nequam , quare
non dedisti pecuniam meam ad mensam ;
ut ego veniens cum usuris utique exegis-
sem illam , Aufferte ab illo Mnam.* Luke
19. 23.

Minister Christi es denique ; Non o-
portet , fateor , te Authoritate propriâ
my-

mysteriorum Dei dispensationem tibi
arrogare ; sed an non paratum , disposi-
tumque te esse oportebit ; ubi Prælatus
tuus , cui reverentiam & obedientiam
pollicitus es, injungere voluerit ? Verum
demus Episcopum hac in parte tecum
connivere , nec ad ullam te Sacramenti
administrationem urgere ; nullusne ex-
tremæ necessitatis casus contingere po-
test, quo non solum possis , sed strictè
tenearis moribundo Sacramenti cujus-
piam collatione opitulari ? Infantulus
quispiam de vita periclitatur ? adultus
quidam morbo repentino ad ultimum
vitæ spiritum redigitur : lethali vulnera
fauciatus, aut casu improviso oppressus,
aut lapsu ex alto collisus , animam mox
acturus creditur ; nec aliud adest sacer-
dos , nec accersiri potest præter te , qui
nullatenus Sacramentis administrandis
immisceri te velle professus es , ideoque
ad hujusmodi ministeria spectantia scire
neglexisti ; quid obsecro casu isto occur-
rente , ages ? in quas angustias te cum
moribundo redactum confpicies , cùm
Sacramenti administrandi nec materiam

nec

nec formam , nec alia ad validam , licet
tame administrationem , tam ex parte
tua quam ex parte moribundi , requisita
didiceris , aut penitus ex studii defectu ,
oblivioni tradideris ? Cernis igitur , ô
Sacerdos ! licet te ad animarum curam
non destinatum asseras non tamen stu-
dendi onere penitus esse liberum ; sed
eodem quoque obstrictum tenerite stu-
dii Ecclesiastico convenientibus , ope-
ram navare; quo & salutem ac perfectio-
nem propriam & alienam procurare ,
Deoque officiis sacerdotalibus debite
deservire valeas : ne eveniat tibi quod
Deus per Oseam c. 4. 6. minatus est :
Quia tu scientiam repulisti, repellam te ,
ne sacerdotio fungaris mihi.

E P I L O G U S.

QUæ cùm ita sint , Domini Confrat-
tres , patet , quanta sit necessitas
quanta utilitas , ut juxta Canonem mo-
dò expositum , omnes & singuli , præ-
fertim Curati concentur non obiter sci-
re , sed comprehendere & penetrare ea ,
qua

tam ad sui, quam aliorum directionem & instructionem pertinent. Quod si è jam dictis cognoverimus ; restat ut, si scientiæ necessariæ defectum in nobis deprehenderimus , serio ad studia animum adjiciamus ; & quod in scientia scripturæ Theologica , Morali, Polemica, Ascetica vel Ecclesiastica nobis deest, sedulò comparare allaboremus. Studeamus igitur sed purissimâ intentione gloriæ divinæ ; studeamus sed æternitati , non vanitati : Studeamus sed omne studium nostrum sit sanctum; quale postulat Apostolus ad Titum c. 1. *Ad agnitionem Veritatis , quæ secundum pietatem est , in spem vitæ æternae , & jungamus cognitioni amorem ; ad similitudinem Verbi æterni , quod procedit à Patre , non tanquam Verbum solum , sed tanquam verbum spirans amorem ; ita & scientia nostra non sit sola scientia ; sed scientia spirans charitatem , reducendo cognitionem ad affectum.*

Studeamus, ne ex defectu scientiæ damnatione ingentia nobis , aliquaque accersamus ; cum clare viderimus , nos absque scientiæ

scientiæ adminiculo ; nec infideles instruere , nec Hæreticos reducere , nec Rudes Christianos informare , nec peccatores à vitiis abstrahere , nec animas perfectionis avidas per semitam perfectionis posse deducere. Quodsi , his non obstantibus , studia neglexerimus ; quâ ratione , præter dicta , alia complura damnna evademus ? Quomodo coram supremo Numine defendemus , quod ex ignorantia nostrâ , Dignitas sacerdotalis ignominiâ afficiatur , Populus Christianus in erroribus , superstitionibus & sceleribus relinquatur ; nôsque ipsumer , in dubiis , angoribus , scrupulis , defectibus & non raro in sacrilegiis miseri hæreamus , & inglorii , rûdésque in otio consenescamus .

Studeamus strenuè , ut munus Angelicum , munus Nuntii & Legati ritè obcamus , optatosque scientiæ sacræ fructus copiosè referamus . Quantum emolumendum est animas nossæ à vitiis purgare , & ab innumeris animæ morbis dextrè liberare ? ut non æternum pereant sed habeant vitam æternam ? Quantum

tum emolumentum est , omnis statūs homines in tenebris & umbra mortis ambulantes , divinæ gratiæ ope illuminare, & practicâ Dei cognitione, imbuerre, quo Deum O. M. ut par est, æstiment, colant , timeant, ament, & debit is obsequiis honorent ? Quantum emolumentum est , scientiam Sanctorum , scientiam spiritūs probè callere , quā & nos ippos , & proximos nostros , ad montem perfectionis feliciter perducamus ; & acquisitis sublimibus virtutum gradibus Deum totā æternitate quam maximè glorificemus ?

Nec Sacerdotes curā animarum carentes, studiis sese eximant, verū omnia ad sacrificii , psalmodiæ Sacramentorum in necessitate administrandorum scientiam & experientiam & præcipuè ad scientiam spiritūs pertinentia , intelligere studeant , tum ne otio contabescant , tum ne talenta à Deo accepta infructuosè in terram defodiant , tum ne nobilissima Scientiâ Sanctorum careant, ne eveniat illis , quod Deus per Oseam c. 4. 6. minatur.

Stu-

Studeamus itaque gnaviter DD.
 Confratres, ne quidquam, ad officium
 nostrum spectans ignoremus : Si quis
 ignorat, ignorabitur : 1. Cor. 14. 38.
 Dicamus in terris, ait S. Hieronymus,
 quorum scientia perseverat in cœlis. Sic
 stude, suadet idem S. Doctor, tanquam
 semper victurus, sic vive tanquam sem-
 per moriturus. Sic ergo vivamus, sic stu-
 deamus, legamus, scribamus, cum
 Zeuge pingente æternitati, & scientiis
 acquisitis ad gloriam Dei ac salutem a-
 nimarum, sic utamur; ut in nobis Pro-
 pheticum promissum impleatur : Qui
 autem docti fuerint, fulgebunt, quasi
 splendor firmamenti : Et qui adjustitiam
 erudiunt multos, quasi stellæ in perpetuas
 aeternitates. Dan. 12. 3.

CANON IX.

Habitu utancur communi, simplici,
 honesto & modesto; studeant place-
 re maribus, non vestibus.

EX.